

**Curs de formaziun sura la fede " La löm dla vita" - Pó la fede diventé la löm por ilominé nosta esisténza y nosta vita?** cun Padre Giuseppe en vëndres ai 13 de aurí dales 9 y en sabeda ai 14 de aurí dales 9. Informaziuns y iscriziuns pro Ingrid al tel. 331/8565697.

**"Das Ruhegebet"** ([www.ruhegebet.de](http://www.ruhegebet.de)): ai 13 d'aurí, dales 19:30, sarál a Oies na sèra d'informaziun sura chësta forma d'oraziun tl chit cun P.Cyrill Greiter. Sce al é interessá assá gnarâl tigní n pice curs cun atri dui termins. Se anunzié pro Renate Pescolderung cina ai 10 d'aurí al nr. 338 1300787 ince sce an ó ma tó pert ala sèra d'informaziun.

**La biblioteca Sas dla Crusc** inviëia al'ora dles stories por mituns dai 3 ai 6 agn te biblioteca a La Ila en lünesc ai 9 de aurí dales 15:00.

**Conzert** dl Cor Mosaic *"En monn de sonns – usc fines se lascia aldí"* en sabeda ai 14 de aurí te Salf dles Manifestaziuns a Al Plan dales 20:00.

**Incuntada dl grup "Atmosfera"** en jöbia ai 12 de aurí dales 15.30 cun Irina Tavella y Barbara Rungger. I se incuntun tla sënta dl Raiun Sozial Val Badia a Picolin. Informaziuns pro Sabine Rainer tel. 0474/524519.

#### **Cursc**


**"Pilates"** organisé dal KVV Badia por 10 iadi dal 10 de aurí inant dales 19:00 te palestra a S. Linert cun Susan Tavella. Se prenoté pro Michela al nr. 328/0984630. Cost 65 €.

**"Ingleje de 4 liví"** organisé dal KVV Badia a mët man dai 9 de aurí te biblioteca a Pedraces cun Lalena Stull. Se prenoté pro Cristina al nr. 333/1591599.

**„Social Media Marketing“ por Facebook y Instagram de basa** organisé dal Consëi de Formaziun de Badia ai 10 de aurí dales 20:00 te scora mesana da La Ila cun Alessia Sorá.

**"Introduziun al monn dl video"** organisé dal Consëi de Formaziun de Badia te biblioteca a La Ila cun Paolo Vinati che mët man ai 11 de aurí dales 20:30 y vá inant ai 17, 24 y 30 de aurí.

**"I metun adöm n liber de fotografies"** organisé dal'Uniuin Ères Badia cun Consëi de Formaziun de Badia en vëndres, ai 13 de aurí dales 20:00 te Ciasa Runcher cun Janpaul Irsara. Al curs pó tó pert cina 7 porsones ( se tó para le laptop). Infos y se scrí ite pro Lucia al numer 338/6413588 cina ai 8 d'aurí.



Plata dla Ploania

Badia

San Iaco - San Linert

Ploan: Siur Iaco Wendelin Willeit

Calonia Badia: 0471/839571

E-Mail: [parrocchiabadia@libero.it](mailto:parrocchiabadia@libero.it)

Radio dla Ploania: 91,10 Mhz

UNITÉ PASTORALA



[www.unitepastorala.org](http://www.unitepastorala.org)

Ann „B“ 08.04. - 15.04.2018 2° Domënia de Pasca n. 19

... Deache te m'as odü,  
crëieste.  
Beac chi che ne vëiga  
nia y crëi impó.



**Vangele dla proscima Domënia - 3° de Pasca dl Ann „B“**

Lüca 24,35-48

I dui discepui, che ê gnüs derevers da Èmmaus, ti á cunté ai önesc y ai atri discepui, ci ch'al ti é sozedü sön tru y sciöche ai á conesciü Gejü, canch'al rumpí le pan. Ciamó tratan ch'ai baiá de chësc, él gnü instès amesa èi ite y ti á dit: Pesc a os! Ai s'á spordü y se temô dassënn, ciodí ch'ai miná ch'ai odess n spirit. Dailó ti ál dit: Ciodí sëise pa döt spordüs? Ciodí dubitëise pa te osc cör? Ciaredi a mies mans y a mi pîsc: I sun iö instès. Piédeme ite, y odede: Degun spirit n'á cern y ôsc, sciöch'i odëis pro me. Pro chëstes parores ti ál mostré sües mans y sü pîsc. Ai se fajô demorvëia, mo dala ligrëza n'ësi nia ciamó bugn da crëie.

Dailó ál dit: Èise val' da mangé chiló? Ai ti á dé n toch de pësc apraté; al l'á tut y l'á mangé dan sü edli. Spo ti ál dit. Chëstes é les parores, ch'i ves á dit, canch'i é ciamó pro os: Döt mëss s'ademplí ci che é scrit de me tla lege de Mosé, pro i profec y ti salms. Sön chëra ti ál daurí l'intelèt ch'ai capiss les scritöres. Al ti á dit: Insciö stal tla Scritöra:

Le Messia sofriará y ressoriará dai morc le terzo dé, y te so inom ti incundaran a duc i popui, scomencian te Ierusalem, ch'ai dess dé ota, por che sü picia vëgnes pordená. Os sëis de chësc mi testemoni.



# FUNZIUNS SACRES

## 08.04. **2<sup>a</sup> DOMÈNIA de PASCA – Domènia Blanca**

*Domènia dla Divina Misericordia*

- 10.00 Mëssa por la Comunità  
15.00 Zelebrazion dl Sacramënt dl Bato  
18.00 †ta Waltraud Wieser Pizzinini - otavare  
†ta Angela Dariz - aniversar  
†to Pasquale Piccolruaz  
†ta Anna Frena

## 09.04. **Lünesc – Festa dl'Anunziaziun dl Signur**

- 19.30** †ta Agnes Pizzinini Pitscheider  
†to Sepl Tavella  
por fam. Eduard y Nina Tavella

## 10.04. **Mertesc**

Degüna mëssa

## 11.04. **Mercui - Mëssa cun i scolars**

- 07.30 †to Sepl Frenademetz da Oies  
†ta Olga Costa Walzl  
†ti Tarina y Iaco Pescoller

## 12.04. **Jöbia – S. Herta**

- 19.30 †to Giarone Vittur – aniversar  
†ti Nazio, Paul y Tarina Pizzinini  
†ti Giovanni y Rosa Thaler

## 13.04. **Vëndres – S. Ida**

- 07.30 †ta Zenl Pitscheider  
†ti dla fam. Flurian y Lucia Sottara  
por les families ai Angeli Custodi

## 14.04. **Sabeda – S. Ciascian y S. Vigile**

- 16.00 Mëssa a Oies

## 15.04. **3<sup>a</sup> DOMÈNIA de PASCA – Kassiansontag**

- 10.00 Mëssa por la Comunità  
15.00 Ora de adoraziun  
18.00 †ti Sabina y Tone Campeï - aniversar  
†ta Maria Alfreider Burchia - aniversar  
†ta Regina Canins  
†ti Antonio y Maria Palumbo




# Dala VITA dla CÜRA

## Co s'al pa salpü da Pasca ?

Un bëgn albü na bela Edema Santa y na bona Pasca. Les Liturgies bun frequentades, scemia ch'al fô saison; tan de impëgn dl Cor de dlïja, dl mone y di ministranc y tan tan de sorvisc por fá garaté i Santus. Bel che ince i Kyrios s'á daidé tigní na bela Mëssa en Pasca da séra. N bel giulan a düc dla bona colauraziun, dala Domènia dl Orí cina en Lönesc de Pasca. An á indô podü sintí comunité y tan bela che nosta fede é, sce an fej festa deboriada.

*Siur Degan*

**Festa dl'Anunziaziun dl Signur:** deache al é tomada ite en Domènia dal Orí vëgnela tignida en lünesc, ai 9 de aurí cun na santa Mëssa dales 19:30.



Chèsta domènia, ai 8 de aurí ciafa le Sacramënt dl BATO i mituns:

**Jasmin** de Armin Craffonara y Maria Angelica Irsara  
**Fabian** de Franz Pizzinini y Barbara Agreiter  
**Anna** de Manuel Bernardi y Xenia Ruggeri.

Ai pici che tolun sö cun ligrëza te nosta comunité y a sü geniturs les mius audanzas.

**Oferta de Carsëma:** dër bel giulan dla bela soma de 4.243,23 € cun laite 830,39 € dai scolars.

**Festa di jogh da Pasca de Ma a Salzburg:** sciöche vigni ann éla chësc ann dai 18 ai 21 de ma. Inviá é düc i jogh da 12 agn inant ( cina ai 14 agn adoron n zettl da pert dla cuestöra!) y le prisc é de 115 €. Informaziuns sot a [www.festderjugend.at](http://www.festderjugend.at) o telefoné a Rosmarie Irsara al nr. 338 4864740.

**Mëssa por families cun familiars "atramënter abili":** en sabeda, ai 14 de aurí dales 14:00 a Oies. Düc i familiars é inviá a tó pert.

**Referat cun siur Tone Fiung** "N bun raport danter les generaziuns" en mercui, ai 11 de aurí dales 20:00 tl salf manifestaziuns a Longiarü.

- Dan dlïja ciafëise i pici libri de FORMAZIUN por l'aisciöda y l'isté. •